

RESOLUCION DE AUTORIZACION DA DIFUSION DA CAMPAÑA DE VIXILANCIA DA SAUDE CURSO 2023-2024

Campaña de vixilancia da saúde laboral do curso 2023-2024.

Resolución da Dirección Xeral de Centros e Recursos Humanos da Consellería de Cultura, Educación, Formación Profesional e Universidades, pola que se autoriza a difusión da campaña de vixilancia periódica da saúde para o persoal traballador, docente e non docente, que presta servizos en centros docentes públicos non universitarios, dependentes da Consellería de Cultura, Educación, Formación Profesional e Universidades.

De acordo co disposto no artigo 22 da Lei 31/1995, do 8 de novembro, de prevención de riscos laborais, modificada pola Lei 54/2003, do 12 de decembro, de reforma do marco normativo da prevención de riscos laborais, o empresario garantirá ao persoal traballador ao seu servizo a vixilancia periódica do seu estado de saúde en función dos riscos inherentes ao traballo. A vixilancia da saúde do dito persoal só poderá levarse a cabo cando o traballador preste o seu consentimento, agás nos supostos contemplados legalmente, e en todo caso, deberase respectar o seu dereito á intimidade e a dignidade, así como a confidencialidade de toda a información relacionada co seu estado de saúde.

O Decreto 58/2022, do 15 de maio, polo que se establece a estrutura orgánica da Consellería de Cultura, Educación, Formación Profesional e Universidades, establece no seu artigo 31.2.3 que o Servizo de Persoal de Administración e Servizos da dita Consellería realizara as funcións de vixilancia da saúde respecto do persoal que presta servizos nos centros docentes públicos, non universitarios, dependentes da Consellería de Cultura, Educación, Formación Profesional e Universidades.

En base ao anterior referenciado, difúndese esta convocatoria da campaña de vixilancia periódica da saúde no ámbito educativo para o persoal docente e non docente que presta os seus servizos en centros docentes públicos, non universitarios, dependentes da Consellería de Cultura, Educación, Formación Profesional e Universidades mediante a súa publicidade na páxina web oficial desta Consellería e o envío das instrucións respectivas aos ditos centros, e de acordo coas seguintes premisas:



Primeira. Obxecto

Prestación da vixilancia periódica da saúde ao persoal docente e non docente destinado en centros docentes públicos non universitarios, dependentes da Consellería de Cultura, Educación, Formación Profesional e Universidades, en función dos riscos inherentes ao traballo, segundo o disposto no artigo 22 da Lei 31/1995, do 8 de novembro, de prevención de riscos laborais.

Segunda. Ámbito de aplicación

É aplicable ao persoal docente e non docente (funcionario e laboral) en activo, que presta servizos nos centros docentes públicos non universitarios, dependentes da Consellería de Cultura, Educación, Formación Profesional e Universidades.

Terceira. Inscripción

A inscrición ten carácter voluntario, polo que se realizará previa solicitude das persoas interesadas conforme as instrucións deste procedemento publicadas na páxina web oficial da Consellería e enviadas aos distintos centros de traballo. As persoas responsables dos distintos centros de traballo facilitarán a axuda e a información necesaria para a inscrición do seu persoal traballador.

A dita inscrición realizarase de forma telemática no formulario de solicitude de recoñecemento médico que está dispoñible na páxina web da Consellería de Cultura, Educación, Formación Profesional e Universidades no seguinte enlace:
<https://revisionmedicaeducacion.xunta.gal>

A solicitude de inscrición debe incluír todos os datos que figuren no formulario. A falta dalgún deles impedirá a súa tramitación.

Finalizado o procedemento de solicitude de recoñecemento médico e realizada correctamente a inscrición, xerarase un xustificante de consentimento que se deberá presentar asinado o día seleccionado para realizar a analítica.

A Consellería garante a todo o persoal incluído no ámbito de aplicación desta resolución que se atope en servizo activo o seu dereito efectivo á vixilancia da saúde, independentemente do seu vínculo e/ou réxime contractual. Con esta finalidade, e



dado que existen colectivos de traballadores que se incorporan en diversas datas ao curso escolar, é preciso establecer diversos prazos de inscrición que lles faga posible o seu acceso ao recoñecemento médico en igualdade de condicións e cos mesmos recursos técnicos e humanos dispoñibles.

Por tal motivo, establécense tres modalidades de inscrición en función de se se trata de persoal substituto ou do resto de persoal en función de se a súa data de toma de posesión é anterior ou posterior ao 27/09/2023.

- **Por persoal substituto**, enténdese a estes efectos, a aquela persoa traballadora, en servizo activo, que substitúa a outra persoa (docentes substitutos e non docentes substitutos) e que leven 65 días naturais de servizo ininterrompido contados dende o 01/09/2023, ou dende o día seguinte ao nomeamento se fora posterior a esa data.
- **O resto de persoal**, en servizo activo, que disporá dun prazo de inscrición en función de se a súa data de toma de posesión é anterior ou posterior ao 27/09/2023, abrangue de forma específica ao seguinte colectivo de persoas traballadoras:

PERSOAL DOCENTE	PERSOAL NON DOCENTE
Persoa funcionaria de carreira ou funcionaria en prácticas	Persoa funcionaria de carreira e persoa laboral fixa ou indefinida
Persoa interina con nomeamento para todo o curso	Persoa funcionaria interina ou laboral temporal que ocupa unha praza vacante

Así, recóllense de forma específica os seguintes prazos de inscrición en función do colectivo de persoas traballadoras afectadas:

A) Prazo de inscrición para o persoal nomeado con anterioridade ao 27/09/2023: A inscrición deberá realizarse dende o 27 de setembro ao 16 de outubro de 2023.



B) Prazo de inscrición para o persoal nomeado con data igual ou posterior ao 27/09/2023: A inscrición deberá realizarse no prazo que abrangue do día 1 ao 20 do mes seguinte a súa toma de posesión.

C) Prazo de inscrición para o persoal substituto: A inscrición deberá realizarse no prazo que abrangue do día 1 ao 20 do mes seguinte a aquel no que se cumpran os 65 días traballados de forma ininterrompida, contados dende o 01/09/2023, ou dende o día seguinte ao nomeamento se fora posterior a esa data.

Cuarta. Citacións

A cita da analítica poderase modificar do mesmo xeito que se solicitou, unha soa vez, consonte ás instrucións do procedemento de solicitude dos recoñecementos médicos, e sempre que se faga antes dos cinco (5) días naturais previos á data da cita primeiramente escollida.

A anulación da dita cita implica a renuncia ao dereito a realizar o recoñecemento médico nesta campaña.

A falta de asistencia á cita implicará, agás causa de forza maior debidamente xustificada ante o Servizo de Prevención de Riscos Laborais desta Consellería, dentro do prazo de cinco (5) días naturais á data escollida para a analítica, que o/a traballador/a renuncia ao recoñecemento médico de forma voluntaria.

Asinado dixitalmente en Santiago de Compostela,

O director xeral de Centros e Recursos Humanos
Jesús Manuel Álvarez Bértolo

